

Contas do sector fogares

Resumo de resultados 27/03/2019

Índice

Introdución.....	1
Renda dispoñible bruta dos fogares	2
Valor engadido bruto do sector fogares	4
Saldo de rendas primarias e distribución secundaria da renda.....	4
Distribución de ingresos e gastos	5
O papel das transferencias sociais en especie na economía dos fogares	7
A distribución da renda dos fogares entre o gasto en consumo final e o aforro.....	8

Introdución

As [contas do sector fogares](#) son unha operación estatística do Sistema de Contas Económicas de Galicia cuxo núcleo principal está formado polas Contas económicas e o Marco Input-Output, ambas operacións consolidadas segundo o Plan galego de estatística.

Proporcionan información da sucesión de contas correntes do sector institucional fogares. Entre as súas utilidades están:

- Coñecer a achega do sector fogares á economía galega e estudar a súa evolución.
- Coñecer e analizar as rendas primarias que os fogares reciben pola súa participación directa no proceso de produción (rendas do traballo: asalariado e autónomo) e a xerada como propietarios dun activo financeiro ou recurso natural a cambio de proporcionar fondos ou poñelo a disposición doutra unidade institucional (rendas da propiedade).
- Ofrecer información sobre o proceso de redistribución da renda a través dos impostos correntes sobre a renda e o patrimonio, as cotizacións e prestacións sociais e as transferencias correntes.
- Proporcionar información sobre a renda dispoñible bruta dos fogares galegos e a súa capacidade de aforro.
- Achegar información do impacto das transferencias sociais en especie, con orixe maioritariamente no sector público, na renda dispoñible.

Na difusión de resultados inclúense, así mesmo, datos da renda dispoñible por habitante. A poboación utilizada neste cálculo é a poboación a 1 de xullo de cada ano, estimada como promedio da poboación a 1 de xaneiro do ano t e a 1 de xaneiro do ano t+1, a partir das [Cifras poboacionais de referencia](#) que elabora o IGE.

Publícase a serie 2010-2017 da sucesión de contas correntes do sector institucional fogares e o dato de 2018 do agregado “Renda dispoñible bruta dos fogares”. Esta publicación é coherente coas operacións estatísticas do Sistema de Contas Económicas de Galicia publicadas na “[Revisión estatística 2019](#)”.

Nota: o dato de 2018 é avance e o resto son provisionais.

Renda dispoñible bruta dos fogares

A renda dispoñible bruta dos fogares ascendeu a 41.025 millóns de euros no 2018.

A renda dispoñible bruta é o saldo contable da conta de redistribución da renda e mide a renda que os fogares teñen dispoñible para destinar ao gasto en consumo final ou ben ao aforro. No ano 2017, a renda dispoñible bruta dos fogares ascendeu a 39.635 millóns de euros, isto é un 2,3% superior ao dato do ano 2016. Polo que respecta ao ano 2018 (estimación avance), a renda dispoñible bruta dos fogares galegos foi de 41.025 millóns de euros, un 3,5 % superior á do ano anterior.


Renda dispoñible bruta. Galicia

Unidade: miles de euros, euros por habitante

Tempo	Renda dispoñible bruta	Renda dispoñible bruta por habitante (euros)
2010	39.181.066	14.129
2011	39.028.089	14.076
2012	36.846.884	13.316
2013	36.900.347	13.395
2014	36.671.796	13.379
2015	37.738.181	13.836
2016	38.738.663	14.268
2017	39.635.223	14.643
2018	41.024.589	15.184

Evolución da Renda dispoñible bruta e do Produto interior bruto. Galicia

Unidade: porcentaxes



Fonte: IGE. Contas do sector fogares ([descarga da táboa](#)), IGE. Contas económicas anuais ([descarga da táboa](#)), IGE. contas económicas trimestrais ([descarga da táboa](#))

Entre 2015 e 2017, a renda dispoñible bruta dos fogares medrou aínda que a un ritmo menor do que o fixo a economía. Porén, en 2018 o crecemento da renda dispoñible dos fogares foi lixeiramente superior ao do Produto interior bruto.

En 2018, a renda dispoñible bruta por habitante foi de 15.184 euros, un 3,7% máis elevada que no período anterior.

Valor engadido bruto do sector fogares

O sector fogares achega o 23% do Produto interior bruto galego en 2017

Fixámonos agora no sector fogares como a agrupación das persoas na súa faceta de produtores de bens e servizos, é dicir, estamos a falar da actividade produtiva dos traballadores por conta propia non constituídos en sociedade. Na actividade dos fogares tamén se inclúen os servizos de aluguer das vivendas ocupadas polos seus propietarios.

O valor engadido bruto xerado por este colectivo en 2017 foi de 13.580 millóns de euros, o cal supón o 22,8% do Produto interior bruto (PIB) de Galicia e un crecemento do 2,3% con respecto ao período anterior.

Valor engadido bruto do sector fogares e Produto interior bruto. Galicia Unidade: miles de euros, porcentaxes

Tempo	Valor engadido bruto	Produto interior bruto	porcentaxe sobre o PIB
2010	13.611.167	56.957.719	23,9
2011	13.140.574	55.626.795	23,6
2012	12.745.529	53.498.644	23,8
2013	12.791.579	53.282.968	24,0
2014	12.562.841	53.868.171	23,3
2015	12.778.882	55.568.111	23,0
2016	13.289.139	57.556.152	23,1
2017	13.579.987	59.508.243	22,8

Fonte: IGE. Contas do sector fogares ([descarga da táboa](#)), IGE. Contas económicas anuais ([descarga da táboa](#))

Saldo de rendas primarias e distribución secundaria da renda

O saldo das rendas primarias increméntase un 3,1% no 2017

A renda primaria defínese como a renda que reciben as unidades residentes en virtude da súa participación directa no proceso de produción e a renda a cobrar polo propietario dun activo financeiro ou dun recurso natural por facilitar fondos ou poñer os recursos naturais a disposición doutra unidade institucional. É dicir, sería a renda que obteñen os fogares antes de que interveña ningún mecanismo de redistribución. Se atendemos ao saldo das rendas primarias do sector fogares, vemos que no ano 2017 presentan un incremento do 3,1% con respecto ao ano anterior.

Saldo de rendas primarias. Galicia

Unidade: miles de euros

Tempo	Saldo das rendas primarias bruto
2010	40.014.457
2011	39.635.211
2012	37.023.294
2013	36.940.379
2014	36.880.666
2015	37.575.883
2016	38.752.190
2017	39.941.999

Fonte: IGE. Contas do sector fogares ([descarga da táboa](#))

Así pois, o crecemento en 2017 da renda dispoñible bruta responde a un crecemento das rendas primarias dos fogares, como xa ocorrera no ano 2016. Porén, no ano 2015, o crecemento da renda dispoñible estaba relacionado con un incremento das prestacións sociais que perciben, principalmente en forma de pensións de xubilación e tamén prestacións de desemprego, que viñan a compensar a caída das rendas primarias.

No ano 2017 o saldo das rendas primarias foi maior que a renda dispoñible bruta. Isto significa que, no proceso de redistribución da renda, os recursos (prestacións sociais e outras transferencias correntes recibidas) son inferiores aos empregos (impostos correntes sobre a renda e patrimonio, cotizacións sociais e outras transferencias correntes pagadas).

Distribución de ingresos e gastos

A Renda dispoñible bruta é un saldo contable dunha serie de recursos (ou ingresos) e empregos (gastos) que se recollen nas contas de asignación da renda primaria e distribución secundaria da renda.

Recursos	2010	2017
Excedente de explotación bruto	4.249.976	4.335.941
Outras transferencias correntes	2.672.704	3.240.943
Prestacións sociais distintas das transferencias sociais en especie	11.364.015	12.460.571
Remuneración dos asalariados	27.056.948	26.403.937
Renda mixta bruta	7.202.077	7.379.812
Rendas da propiedade	2.136.548	2.031.790

Empregos	2010	2017
Cotizacións sociais netas	8.529.468	8.156.420
Impostos correntes sobre a renda, o patrimonio, etc.	3.873.185	4.405.858
Outras transferencias correntes	2.467.457	3.446.012
Rendas da propiedade	631.092	209.481

Fonte: IGE. Contas do sector fogares ([descarga da táboa](#))


No ano 2017, a remuneración dos asalariados representa un 47,3% dos recursos totais dos fogares, o excedente de explotación/ renda mixta achega o 20,9% dos recursos, mentres as prestacións sociais acadan un 22,3%. As outras transferencias correntes (que inclúen bolsas de estudo, remesas de emigrantes, transferencias entre fogares e outras rendas) e rendas da propiedade achegan un 9,5% dos recursos.

O 50,3% dos empregos totais do sector fogares son cotizacións sociais, isto é, achegas dos fogares aos sistemas de prestacións sociais. Séguelle en relevancia os impostos sobre a renda, o patrimonio, etc., cun peso no total dos gastos do 27,2%.

Distribución dos recursos. Anos 2010 e 2017

Unidade: porcentaxe (%)


- Remuneración dos asalariados
- Prestacións sociais distintas das transferencias sociais en especie
- Renda mixta bruta
- Excedente de explotación bruto
- Outras transferencias correntes
- Rendas da propiedade



Distribución dos empregos. Anos 2010 e 2017

Unidade: porcentaxe (%)

- Cotizacións sociais netas
- Impostos correntes sobre a renda, o patrimonio, etc.
- Outras transferencias correntes
- Rendas da propiedade



O cociente entre cotizacións sociais e prestacións sociais foi do 65,5% no ano 2017, cando no inicio do período era do 75,1%.

O papel das transferencias sociais en especie na economía dos fogares

En 2017 as transferencias sociais en especie superaron os 8.307 millóns de euros

As transferencias sociais en especie son os bens e servizos individuais proporcionados aos fogares principalmente polas Administracións públicas de xeito gratuíto ou a prezos economicamente non significativos. Son financiados polos impostos, cotizacións e outros ingresos das administracións públicas. Son, principalmente, servizos de educación e sanidade.

No ano 2017 estes bens e servizos ascenderon a 8.307 millóns de euros e proveñen principalmente do sector Administracións públicas (7.846 millóns de


euros). Esta contía incrementa a renda dispoñible dos fogares dando lugar á chamada Renda dispoñible axustada.

A distribución da renda dos fogares entre o gasto en consumo final e o aforro

O aforro do sector fogares reduciuse no ano 2017

O gasto en consumo dos fogares medrou en 2017 un 4,8%, 2,5 puntos máis que o crecemento da renda dispoñible. Como resultado temos unha diminución do aforro do sector fogares en Galicia.

O cociente entre aforro e renda dispoñible denomínase taxa de aforro e no ano 2017 foi do 3,9%.



Fonte: IGE. Contas do sector fogares ([descarga dos datos](#))

Pode consultarse a metodoloxía desta estatística na seguinte ligazón: [Metodoloxía](#)

Para máis información:

Instituto Galego de Estatística

Complexo Administrativo San Lázaro s/n

15703 Santiago de Compostela (A Coruña)

Contacto: <http://www.ige.eu/web/peticioninfo.jsp?paxina=005006001&idioma=gl>

Teléfono de información: 981 54 15 89 (de 9 a 15:00 h.)

Fax: 981 54 13 23

Sitio web: <http://www.ige.eu>